



## 落雨天

予雨水滂滂滴的聲吵精神，目睷攞金，房間內暗眠摸。家己佇心內問：「我是佇佗位？這馬到底是暗時抑是日時？」有時閣會感覺，家己猶閣躊佇後頭厝，會使騎 oo-tóo-bái 拋拋走。這敢是咧思念外家的標記？

閣是一个落雨天，感覺真齷齪，上下班的時就愛吹風淋雨。穿雨幔是鬱卒、是忍耐，是鳥仔無法度飛、尾蝶仔無法度歇佇花蕊頂的心情！

雨水滂滂滴，心內掛念的是囡仔敢有紮雨傘，敢會淋甲澹漉漉？雨水滂滂滴，操煩的是拄才曝的衫仔褲，毋就沃甲澹漉漉？落雨天一工閣一工，鬱卒嘛綴咧行，感覺啥物攏袂順、啥物攏毋著。

越頭想看覓，青春少年時的浪漫，無煩無惱的心情，底當時已經走甲無地揣矣。是傷過注重事業，抑是生活的拖磨？煞袂記得落雨天是咱少女的期待恰幻想，這馬干焦賭幻滅的殘酷恰忍耐。

想起學生時代，家己寫文章，描寫落雨天的狀況是雨水一滴一滴，敢若真珠全款，每一粒攏有阮的夢想。閃閃爍爍的真珠，有佻濟少年的向望咧？春花秋月，無憂無愁，管伊吹風抑是落雨，三不五時，我就恰一粒一的好朋友，跼踏車騎咧，就四界碇碇。毛毛仔雨落佇身軀頂是勇敢的標記，嘛是阮兩個浪漫的記持。

落雨天嘛予我想起細漢的時，恰阿母做伙擲雨傘那行路那唱歌的代誌。這馬雖罔無恰阿母躊做伙，毋過用雨傘遮雨的時陣，阮同齊唱的歌就會自然佇頭殼內底放送，真正是溫暖閣感動的記持。做囡仔的時，嘛會期待落雨天，因為會使提彼枝阿母特別揀予我的細枝紅雨傘，走去門跤口共雨傘展開，閣共雨傘惹來惹去。目睷攏無轉輪，欣賞雨水咧跳舞，心情嘛綴咧飛矣。

落雨天嘛是臺灣人表現熱情恰人情味的時陣，雖然逐家無相捌，不而過，佇滂滂滴的落雨天，看著別人無紮雨傘，攏會共雨傘借伊遮，抑是做伙擲一枝雨傘，予人佇澹澹濕濕的落雨天，加添一寡溫暖的感覺。

作者：田美瑜

### ☆詞彙學習☆

【攞金】peh-kim：張眼。把眼睛張開。

【暗眠摸】àm-bîn-bong：黑漆漆、一片漆黑。形容很黑很暗，什麼都看不到。

【拋拋走】pha-pha-tsáu：四處亂跑。

【外家】guā-ke：娘家。女子出嫁後，稱自己父母的家。

【齷齪】ak-tsak：心情鬱悶、煩躁。

【雨幔】hōo-mua：雨衣。

【澹漉漉】tâm-lok-lok：溼淋淋、溼答答。形容含水量很高的樣子。

【真珠】tsin-tsu：珍珠。海蚌內部因異物侵入或病理變化而產生的圓形顆粒。

【一粒一】it-liáp-it：最投契的。

【放送】hòng-sàng：廣播。廣泛的傳播。源自日語。

【轉輪】tng-lûn：眼珠上下左右轉動。